



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Rixa.

urn:nbn:de:hbz:466:1-30427

Tho. secunda secunda. q. 66. Caueat quisque ne conscientiam nimis latè sibi faciat, cum amor proprius sapè iudicium peruertat. Quomodo autè possit sacerdos satisfacere vel non pluribus cum vna missa, suprà, Missa. §. 33. Et Tab. ibi circa fin. multi alij possunt oriri casus, quos prædictis regulis faciliè quis soluere poterit. De damnificationibus proximum per animalia, & mutantibus, per capturam leporum, & huiusmodi, & venatoribus: vide Sil. ibi. §. 2. 3. & 4.

R I X A.

R I X A filia iræ importat contradictionem in factis, quando ex ira aliqui se inuicè percutiunt, non ex auidia publicè, sed ex voluntate inordinata: & ex suo genere peccatum mortale est, in eo, qui iniuste alterum aggreditur, quia nocumētū proximo contra charitatem infert. In eo autem qui se defendit, animo repellendi illatam iniuriam cum debita moderatione, peccatum non est: secus si cum animo vindictæ, vel odij, vel excedit in moderamine, quia tunc peccatū mortale, vel veniale est, secundum quantitatem odij, vel excessus. Primi enim communiter veniales sunt, & impetfcti actus, vt sæpè diximus. De hoc Tho. secunda secunda. q. 51. a. 1. suprà, ver. primi motus.

SACERDOS.

¹ SACERDOTIS nomine in materia fauorabili nō tantū presbyteri veniūt, sed etiā diaconi, & subdiaconi. ar. c. 1. §. 9. sed in materia odiosa veniūt tantū presbyteri. ar. c. si quisq; de coha. cle. & mul. vbi Pa. hoc nō.

² SACERDOS parochialis potest ministrare sacramenta peregrinis, & hospitibus confluētibus ad suam ecclesiam: secundum Pa. c. 1. de cel. miss. & morientes sine electione sepultura, ibidem sepeliūtur, & si alibi elegerint, debet ei quarta funeralis. Quomodo debet visitare infirmos, & multa alia facere: vide Pa. in d. c. 1. de celeb. miss. & stare ieiunus vsque ad horam celebrandi congruam.

³ Q V I C Q V I D sacerdos ligat, &

solut in terra iustè, & clauē nō errante, ligatur per approbationē in cælis. n. q. 3. c. tunc vera.

⁴ SACERDOS existens in peccato mortali exequendo officiū suū, mortaliter agit. 1. §. q. 6. c. vlt. & d. 68. c. 1. & vt dicit Sil. ver. sacerdos. §. 6.

⁵ SACERDOS, vbi penitens de aliquo est dubius, nō debet illud asserere esse mortale, nisi sit certus, ne imponat ei laqueū, nec tenetur de singulis determinare antè dictis, vtrū sint mortalia, vel venalia, quando non sunt clare. d. Arch. Flo. de his autè, quæ sunt clara, secundum opinionē doct. debet determinare. Quomodo autem debet celebrare, sup. Missa. per to.

⁶ Q V A N D O sacerdos vult sumere eucharistiā, vt quia infirmus, vel à celebratione impeditus, stolam circumcolū, sicut quādo celebrat debet habere ecclesiasticā. d. 23. hoc tamen intelligitur quando celebrat profecti dicit Sil. ibi. §. 4. quia extra celebrationē hoc nō obseruatur. Vnde multi (si hoc esset verum) essent excommunicati, communicantes sine tali stola. Attendenda est consuetudo. Fratres enim prædicatores sine stola in die cæne cōmunionem recipiunt.

SACRAMENTA.

¹ SACRAMENTA sunt septem, videlicet Baptismus, ordo, cōfirmatio, penitētia, cōmunio, matrimonium, & extrema vñctio. Tria prima impingunt charactē, idēō non debent iterari, etiam si mortuus homo resurgeret, quia character indelebilis est: alia quatuor possunt iterari. De his Tho. 4. sent. d. 2. q. 1. & c. licitè. 3. q. 7. & 1. q. 1. c. quod quidam.

² SACRAMENTA non debent conferri peccatoribus publicis. c. illud. d. 9. §. 1. sed propter peccata occulta non sunt neganda in publico, suprà, Cōmunio. §. 13.

³ R E C I P I E N S quodcūq; sacramentum in mortali, etiam occulto, mortaliter peccat. c. multi. d. 40. Sed non dicitur esse in mortali, qui contritus est. Aliqui dicunt, quod in sacramento penitentis & extremæ vñctionis sufficit

attēti-